

四庫全書

史部

欽定四庫全書

史部

皇清職貢圖 御製詩

卷一

臣 永瑤恭校

檢討_臣 德生覆勘

總校官編修_臣 王燕緒

校對官待詔_臣 胡士震

謄錄監生_臣 徐照薪

繪圖謄錄_臣 羅善徵

乾隆十六年六月初一日大學士忠勇公臣傅恒
奉

上諭我朝統一區宇內外苗夷輸誠向化其衣冠狀貌
各有不同著沿邊各督撫於所屬苗猺黎獐以及外
夷番衆仿其服飾繪圖送軍機處彙齊呈覽以昭王
會之盛各該督撫於接壤處俟公務往來乘便圖寫
不必特派專員可於奏事之便傳諭知之欽此

御製題皇清職貢圖詩

累洽重熙四海春

皇清職貢萬方均書文車軌誰能外方趾圓顧莫不親
那許防風仍後至早聞干呂已咸賓塗山玉帛千秋述
商室共球百祿臻詎是索疆恢此日亦惟

謨烈賴

前人唐家右相堪依例畫院名流命寫真西鰈東鷁覲
王會南蠻北狄秉元辰丹青非為誇聲教保泰承庥慎

拊循

乾隆辛巳秋日

恭和詩

臣劉統勲恭和

梯航環望

帝京春翊戴遥歡

聖澤均端為

王猷昭赫濯盡教海宇識

尊親充庭玉帛三重陞殊製冠裳九列賓揚

烈覲

光功德溥遠來近悅後先臻奇厖共訝新增部安樂渾
忘異地人名未耳聞身已列形因目睹繪偏真
江河別派歸溟渤星宿周天共北辰職貢圖成
奎藻詠萬斯年永典章循

臣
梁詩正恭和

覃敷

帝澤煦如春按牒欣看列貢均豈有版章分内外早
知拜舞並尊親飛車久已通重譯覘律咸來備

九賓鞮寄東西殊俗紀共球大小萬邦臻階前

干羽恢

先烈域外梯航奉

聖人掌隸職方疆索廓編成王會畫圖真恰同蓋地

陳西母合並周天拱北辰指點

皇風遐邇處千秋綏遠識遵循

臣
劉綸恭和

一家中外奉

王春舊隸新藩式

化均貢道夏書規自狹職方周制屬尤親冠裳異用

俾從朔臣僕同稱敢備賓九莖昧荒伊古限

萬年清晏我

朝臻名簽別部通臚句字譯旁行彙舌人物土陳風

資考

治披圖系說取存真寅承

開國徠庭日快觀

恢疆輯瑞辰賡

詠恰宜隨

凱奏星輶里鼓記堪循

臣
金德瑛恭和

藻采新樨萬景春披來

聖澤邇遐均明堂日月

恩威溥屬國梯航翼戴親犬馬有情知戀

主雁鴻依候似來賓

皇風景應蕃釐集王會歡從

壽域臻敢附凌烟聯劍珮欣隨舞獸覲

天人書中舊闕傳聞異班外新增面目真比物鑄形

存鼎鼐

膺圖作繪麗星辰永藏冊府超前古履載無私

帝率循

臣

薰邦達恭和

無邊大地沐陽春底貢

彤庭辨土均八表車書同暨訖萬方玉帛共尊親明
駝毳帳開蔥嶺細馬金羈織罽賓折筭自看咸
率俾浮航寧敢憚遄臻虞階干羽承

前烈禹甸璆琳致遠人玉府駢羅琛寶盛緹囊省識畫
圖真雨風和會凝

皇極星宿周環拱

北辰斧藻丹黃宣立本圖披王會更重循

臣表曰修恭和

職貢圖開六合春
東西南朔服維均
淘金撈玉方輿異
海誌山經覩記親
心似露葵知所向
身隨陽鴈遠來賓
唐虞以上初無紀
秦漢而還未克臻
地或不毛咸我土
類雖非種亦吾人
寧妨舊俗衣冠陋
但被仁風面目真
貳負詎能殊甲子
支祈早已付庚辰
丹青冊府垂彪炳
世世蒙庥永率循

臣于敏中恭和

王會圖登四表春獻琛奉朔凜惟均

定功誕播同風盛歸極羣懷就

日親奚啻旅葵西厖貢還看候鴈北來賓漢表蒙帕
心咸驚闐玉宛駒跡並臻叩笮翾依

千羽陞溟瀛鱗集卉皮人博陵漫詡塲能擅司馬應
慙傳失真輿地志兼踰戊己勲臣

贊共紀庚辰

天章式示

詒謀遠文軌從今奕葉循

臣
介福恭和

鴻圖式廓一家春
亥步遥瞻道里均
露犬紈牛歸
職貢雕題漆齒識

尊親漢庭漫說通
烏戈唐室徒誇服
罽賓寶玉河干
乘月現名駒
海外籊雲臻
虬鬚酷肖

治名手

鳳藻高翔仰

至人歸極永傳

今有赫鑿空始信古非真三階景運

三朝慶萬國歡心

萬壽辰武偃文修彰格被漸摩

聖化日循循

臣
觀保恭和

帝澤能回絕漠春歸仁欣隸職方均共球大小懷柔

遠

雲日光華覆被親寶獻玉河成輯瑞

威宣月竈悉來賓占風測水何堪擬航海梯山莫不

臻五服葵傾遵土訓四門鱗集

詔行人載稽烏譯狼歌廣爰寫文衣革履真繪事傳

神輝

冊府版章式廓辨星辰自茲絡繹趨王會按籍憑

將粉本循

臣
王際華恭和

六幕羣霑我澤春丹青寰宇邇遐均瞻雲豈憚
重研會縮地從教萬里親籍按皇輿恢亥步圖
開昧谷接寅賓南夷象賂頻求獻青海龍媒況
畢臻寧為旅葵登異物偶緣孔鳥紀方人明堂
作繪還依古花面添毫却肖真彌望風邱都入
畫未分星夜共朝辰充庭寫像邀

鴻藻格被

勲高仰

舜循

臣
錢汝誠恭和

紹庥

聖緒澤如春規外殫

恩效貢均鱗集擅茸元日會象來琛賁百蠻親典儀
菴幣臚方物畫史圖形備遠賓寶玉名駒魚貫
列雕題緩耳鴈行臻凡連欵塞編都護體薦迎
門委舌人盤礴丹青毛髮動經營縑素服裳真

拓疆方喜逾西極受吏同趨拱北辰直軼周書

唐粉本永垂

隆軌萬年循

臣錢維誠恭和

風調六幕徧生春屬國來同道里均如日方中
咸覆冒光天之下共尊親黃支烏戈通千候丹
穴空桐列九賓

累葉重熙增式廓諸蕃徯應恰駢臻分明繁露爰閭會

指點雕題闐耳人
僕鑒衣冠描欲肖
兜離言語譯偏真
朝宗直擬川歸海
環向遙同星拱辰
拓土況今踰二萬

威行捐毒與休循

臣竇光鼐恭和

我

皇底治澤如春綿宇

聲名職貢均

謨烈自承

三聖遠車書共識一家親為依故事圖王會正喜新疆
徠國賓置尉列邦皆綺錯制駝駕象盡雲臻扶
桑東影無分土弱水西流有度人海色嶽形全
欲似雕題深目各成真珍同蓋地輝元圃象法
周天拱北辰保業底須君奭訓

數言作極萬年循

臣蔣櫟恭和

驗風入貢世如春四海梯航

帝澤均

德播外方皆面內

威加疏屬亦來親千屯麥熟輸都護九府流泉逮屬
賓自

昔幅員原式廓於

今琛賚更咸臻明都聲暨寒門域日際光臨月竈人
叩喁展時聽稍辨嶺頰列處寫全真豈誇右相

昌唐蹟直邁成周會洛辰永共球圖昭世寶
宸章炳煥億年循

欽定四庫全書

史部十一

皇清職貢圖

地理類三都會郡縣之屬

提要

臣等謹案

皇清職貢圖九卷乾隆十六年奉

勅撰以朝鮮以下諸外藩為首其餘諸藩諸蠻各
以所隸之省為次會

聖武遠揚勘定西域拓地二萬餘里河源月窟之

外梯航鱗集琛賫旅來乃增繪伊犁哈薩克
布魯特烏什巴達克山安集延諸部兵為三
百餘種分圖系說共為七卷告成于乾隆二
十二年迨乾隆二十八年以後愛烏罕霍罕
啟齊玉蘇烏爾根齊諸部咸奉表入覲土爾
扈特全部自俄羅斯來歸雲南整欠景海諸
土目又相繼內附乃廣為續圖一卷每圖各
繪其男女之狀及其諸部長屬衆衣冠之別

凡性情習俗服食好尚罔不具載考南史載
梁武帝使裴子野撰方國使圖廣述懷來之
盛自荒服至海表凡二十國張彥遠歷代名
畫記載梁元帝有職貢圖史繩祖學齋佔畢
引李公麟云元帝鎮荊州作職貢圖狀其形
而識其土俗凡三十餘國其為數較今所繪
不及十分之一至山海經所載諸國多出虛
撰槩不足憑漢書西域傳以下史家所述多

出傳聞核以道里山川亦往往失實又不及
今之所繪或奉贄貢篚親覩其人或仗鉞乘
輅實經其地允攝提合雒以來所未覩之隆
軌然伏讀

御題長律方以

保泰承庥殷殷咨儆此

景命所以重申

天聲所以益播也自今以往占風驗海而至者當

又不知其凡幾珥筆之臣且翹佇新圖之更
續矣乾隆四十三年八月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

皇清職貢圖卷一

朝鮮國夷官

朝鮮國官婦

朝鮮國民人

朝鮮國民婦

琉球國夷官

琉球國官婦

琉球國夷人

琉球國夷婦

安南國夷官

安南國官婦

安南國夷人

安南國夷婦

安南國獠獠

安南國獠獠婦

暹羅國夷官

暹羅國官婦

暹羅國夷人

暹羅國夷婦

蘇祿國夷人

蘇祿國夷婦

南掌國夷官

南掌國官婦

南掌國老撾

南掌國老撾婦

緬甸國夷人

緬甸國夷婦

大西洋國夷人

大西洋國夷婦

大西洋合勒未祭亞省夷人

大西洋合勒未祭亞省夷婦

大西洋翁加里亞國夷人

大西洋翁加里亞國夷婦

大西洋波羅泥亞國夷人

大西洋波羅泥亞國夷婦

大西洋國黑鬼奴

大西洋國黑鬼奴婦

大西洋國夷僧

大西洋國女尼

小西洋國夷人

小西洋國夷婦

英吉利國夷人

英吉利國夷婦

法蘭西國夷人

法蘭西國夷婦

瑞國夷人

瑞國夷人

日本國夷人

日本國夷婦

馬辰國夷人

馬辰國夷婦

汶萊國夷人

汶萊國夷婦

柔佛國夷人

柔佛國夷婦

荷蘭國夷人

荷蘭國夷婦

俄羅斯國夷官

俄羅斯國官婦

俄羅斯國夷人

俄羅斯國夷婦

宋牖勝國夷人

宋牖勝國夷婦

東埔寨國夷人

東埔寨國夷婦

呂宋國夷人

呂宋國夷婦

叻喇吧國夷人

叻喇吧國夷婦

嘛六甲國夷人

嘛六甲國夷婦

蘇喇國夷人

蘇喇國夷婦

亞利晚國夷人

亞利晚國夷婦

朝鮮國夷官



朝鮮國官婦

卷一



朝鮮古營州外域周封箕子於此漢末扶餘人
高姓據其地改國號高句驪亦稱高麗唐李勣
征之高氏遂滅至五代時有王建者自稱高麗
王歷唐至元屢服屢叛明洪武中李成桂自立
為王遣使請改國號為朝鮮

本朝崇德元年

太宗文皇帝親征克之其國王李倬出降封為朝鮮國
王賜龜紐金印自是朝鮮遂服慶賀大典俱行

金史卷一百一十五
卷一
貢獻禮其國分八道四十一郡三十三府三十
八州七十縣王及官屬俱仍唐人冠服俗知文
字喜讀書飲食以籩豆官吏嫻威儀婦人裙襦
加褙公會衣服皆錦繡金銀為飾

朝鮮國民人



朝鮮國民婦



朝鮮國民人俗呼為高麗棒子戴黑白氈帽衣
袴則皆以白布為之民婦辮髮盤頂衣用青藍
色外繫長裙布襪花履崇釋信鬼勤於力作

琉球國夷官



琉球國官婦



琉球居東南大海中明初其國有三王曰中山
曰山南曰山北皆以尚為姓而中山最強洪武
間三王俱入貢至宣德時山南山北為中山所
併

本朝定鼎其王航海輸誠遣使

冊封屢賜

御書匾額常遣陪臣子弟入監讀書其國有三十六島
氣候常溫俗尚文雅鮮盜賊王與臣民分土為

祿地產五穀蔬果之屬夷官品級以金銀簪為
差等用黃綾絹摺圈為冠寬衣大袖繫大帶官
婦髻插金簪不施粉黛衣以錦繡其長覆足

琉球國夷人



琉球國夷婦



琉球國人多深目長鼻男服耕作營海利土人
結髻於右漢種結髻於中布衣草履出入常攜
雨蓋婦椎髻以墨黥手為花草鳥獸形短衣長
裙以幅巾披肩背間見人則升以蔽面常負物
入市交易亦工紡績

安南國夷官



安南國官婦



安南古交趾地唐以前皆隸中國五代時始為土人竊據宋時丁氏黎氏皆三傳李氏八傳無子傳壻陳氏明永樂間討黎季犛篡陳氏之罪因郡縣其地後黎利構亂因而撫之嘉靖中莫登庸篡黎氏旋為黎惟潭恢復

本朝康熙五年黎惟禧款附因封為國王嗣後五年一貢其地有東西二都十三道土地膏腴氣候炎熱一歲二稔其夷目冠帶朝服多仍唐制

皂革為靴惟武官平頂紗帽靴尖雙出以為別
貴家婦人披髮不笄耳帶金環以大小分等級
內服繡襦外披氅衣履如芒屨

安南國夷人



安南國夷婦



安南國夷人性狡詐好浴信鬼神重喪祭附山
耕稼樹桑濱海捕魚煮鹽男子戴大白草帽形
如覆鉢長領大衣手持蕉扇曳履而行貧者則
短衣赤足勤於耕作婦女以帕蒙首長衣長裾
納履露踵相見以檳榔為禮善紡績烹飪之事

安南國獅獼



安南國獼猴婦



獠獠交州苗裔在安南境內先隸交首管轄因
與滇省接壤

國初置開化府多居府屬逢春里之極邊性頑悍
嗜酒善用火器凡交地守關守廠以為兵卒其
僻處山箐者黑面環眼短衣短袴或捕蛇鼠則
生啖之婦人短衣長裙善弩亦能射獵雍正八
年以邊地四十里隸安南俾就近管領約束

暹羅國夷官



暹羅國官婦



暹羅國在占城西南即隋唐赤土國後分羅斛
暹二國暹復為羅斛所并明洪武時封為暹羅
國王入

國朝尤恭順國貢惟謹其地方千里有大庫司九
府十四縣七十二官制九等其四等以上戴銳
頂金帽嵌以珠寶五等以下則以絨緞為之衣
錦繡及織金或花布短衣繫錦帶婦人以金銀
為簪釧約指上衣披五色花縵下衣五綵織金

花幔拖地長二三寸足履紅革鞞鞋其選舉皆
引至王前咨以民事應對得當即授官服候用
文字橫書有事則具書文朗誦呈之

暹羅國夷人



金瓶梅
卷一
暹羅國夷婦



暹羅地卑濕民皆樓居坐卧即以樓板上藉以
氍毹其風俗勁悍習於水戰好崇佛齋僧飼象
取牙以奉夷目男白布纏頭衣短衣曳革履常
佩刀劍婦女椎髻上衣披青藍布縵下衣五色
布短裙性喜遊冶亦工紡績俗重女輕男家事
皆取決於婦

蘇祿國夷人



蘇祿國夷婦

卷一



蘇祿在東南海中明永樂間其國有東西兩王
又有峒王俱來朝貢後不復至

本朝雍正四年遣使入貢因定期五年一來其地
氣候常熱人情強悍以取蚌珠為業山田瘠寡
粟麥民率食魚蝦煮海為鹽釀蔗為酒不食豕
肉剪髮裹頭去鬚留髯衣袴俱短絳帛繫腰露
脛而著履女椎髻跣足短衣長裙以幅錦披肩
能織竹為布

南掌國夷官



南掌國官婦



南掌古越裳氏地自周以來不通中國明永樂
初部長刀線歹入貢始置軍民宣慰使萬厯中
猶奉貢後不復至

本朝雍正八年其部長素馬喇薩遣其頭目叭猛
花等奉金表稱南掌國王貢牝牡二象乾隆八
年定為十年一貢其部長居高樓見者以貴賤
為限貴者披髮覆肩紅巾紅衣婦人則挽髮束
以紅帛短衣長裙體皆刺花性多獷悍

南掌國老嫗



南掌國老嫗婦



老撾俗呼為撾家即南掌夷民也男子披髮帶
黑漆帽著青衣以疋布繞下體婦女挽髻以白
布抹額白衣紅領繫花布桶裙俱跣足喜啖生
肉知耕種勤紡織其近在普洱府東界外者常
入內地貿易

緬甸國夷人



緬甸國夷婦



緬甸古朱波地在永昌府騰越州天馬虎踞諸
關外其首居阿瓦城元及明初雖示羈縻時多
反覆嘉靖後莽瑞體父子雄長諸部自稱緬甸
國王不通職貢

本朝順治十八年吳三桂領兵至阿瓦城東傳諭
緬王傾心向化乾隆十五年其王莽達喇製金
銀二鉞篆刻表文並貢塗金寶塔馴象緬布等
物嗣為木梳酋長甕藉牙所篡子惜惱惜駁相

繼佔踞其夷官夷民服飾與南掌相似婦人束
髮穿耳短衣圍以錦幅長裙性愛花卉其文字
呈尊者用金葉書之次用紙次用檳榔葉謂之

緬書

大西洋國夷人



大西洋國夷婦

卷一



大西洋明永樂間有古里瑣里忽魯謨斯凡數十國來朝貢後多不復至萬厯中西洋人利瑪竇航海來中國自稱意大里亞國人

本朝康熙六年通朝貢雍正三年意大里亞教化王來貢五年博爾都噶爾亞國來貢乾隆十八年復來其人奉天主教善行賈多富厚肌膚白皙鼻昂而目深碧不畜鬚髮別編義髮蒙首以黑氈折三角為帽短衣革履袴襪束迫如行滕

婦螺髮為髻領懸金珠寶石上衣下裳用錦帕
覆背謂之中縵俗重女輕男相悅為婚有僑居
香山縣之澳門者統以夷目歲輸地租

大西洋合勒未祭亞省夷人



大西洋合勒未祭亞省夷婦



合勒未祭亞省屬熱爾瑪尼亞國中其人軀體
壯濶極忠義受德必報鄉內公設學塾習武備
者約居大半嘗有遊往他國彼君上必用為侍
衛之屬其地多山冬月甚冷善造室婦人貞靜
質直工作精巧能徒手交錯金絨不用機杼布
最輕細土生黃金掘井恒得金塊河底常有豆
粒金珠山產獐鹿兔豹家畜大牛以供珍饈

大西洋翁加里亞國夷人



大西洋翁加里亞國夷婦



翁加里亞國在波斯泥亞國南其人彷彿蒙古
衣服甚短束縛袴襪有如行滕極穎悟尚禮貌
幼習馳馬短頸善奔常帶彎刀長四尺每在馬
上舞試婦人能通文字刺繡工巧出門必設紗
綾蔽面物產極豐牛羊可供他州之用金銀銅
鐵等物取之不竭

大西洋波羅泥亞國夷人



大西洋波羅泥亞國夷婦



波羅泥亞國在熱爾瑪尼亞國東其人彷彿蒙
古有髭無鬚去髮存頂編垂首後其地寒冷初
秋至初夏皆衣皮裘如狐貉貂鼠之裘長蔽足
首用皮冠好擊劒家豢熊羆以供戲玩婦人才
能專持家務内外井井土產蜂林琥珀牛羊等
物

大西洋國黑鬼奴



大西國黑鬼奴婦



夷人所役黑國奴即唐時所謂崑崙奴明史亦載荷蘭所役名烏鬼生海外諸島初至與之火食累日洞泄謂之換腸或病死若不死即可久畜通體黝黑如漆惟唇紅齒白戴紅絨帽衣雜色粗絨短衫常握木棒婦項繫彩色布袒胷露背短裙無袴手足帶釧男女俱結黑革條為履以便奔走夷人雜坐以黑奴進食食餘傾之一器如馬槽黑奴男女以手搏食夷屋多層樓處

黑奴於下若主人惡之錮其終身不使匹配示
不蕃其類也

大西洋國夷僧



大西洋國女尼

卷一



大西洋有教化治世二王貿易者皆治世類夷
僧則教化類也奉天主耶穌像夷人敬信之有
大事疑獄不能決必請命焉其法王削髮留鬚
帶青斗帽衣緇衣出入張蓋樹幡幢僧雛衛之
男女見之輒跪捧足俟過乃起凡通曉天官家
言曾遊京師者皆留髭鬚解華語能制儀器
大西洋國女尼以白布纏頰及胸緇縵緇衣草
帶革履夷人敬奉尤甚於僧一女為尼一家皆

為佛眷人懼重辟得尼片紙立宥之然其始必
捐千金歸公既入寺則終身不出其在澳門者
僧居三巴寺龍鬆廟等處尼亦別立寺廟戒律
頗嚴

小西洋國夷人



小西洋國夷婦



小西洋去中土萬里屬於大西洋遺夷目守之
衣冠狀貌與大西洋畧同常披氅衣藏兵器夷
婦青帕蒙頭著長衣圍錦幅於前摺袖革履喜
執繡譜以習針黹

英吉利國夷人



英吉利國夷婦



英吉利亦荷蘭屬國夷人服飾相似國頗富男
子多著哆囉絨喜飲酒婦人未嫁時束腰欲其
纖細披髮垂肩短衣重裙出行則加大衣以金
縷合貯鼻烟自隨

法蘭西國夷人



法蘭西國夷婦



法蘭西一曰弗郎西即明之佛郎機也自古不通中國正德中遣使請封貢不果後遂闌入香山之澳門其人強橫精兵械屢破呂宋滿剌加與紅毛中分美洛居盡擅閩粵海上之利初奉佛教後奉天主教故澳門市易為大西洋所據其首居呂宋者近與紅毛之英吉利爭雄長而法蘭西亦稍弱焉夷人冠白巾加黑氈帽亦以脫帽為禮其服飾與大小西洋呂宋畧同夷婦

粧束亦頗與荷蘭諸國相類

喘國夷人



喘國夷婦



喘亦荷蘭屬國貿易於粵其脫帽為禮與荷蘭
相類短衣革履常執藤鞭衛身夷婦方領露胸
衣外束裙摺袖舒袂以革為履底綴方木似屐
喜以金縷合貯鼻烟時時吸之

日本國夷人



日本國夷婦



日本古倭奴國唐改日本以近東海日出而名
也地環海有五畿七道三島宋以前皆通中國
明洪武初常表貢方物而夷性狡黠時剽掠沿
海州縣叛服無常俗崇釋信巫嗜酒輕生亦習
中國文字讀以土音立法頗嚴鮮爭訟竊盜居
處飲食有古法其器用製造精巧物產亦饒男
髡頂跣足方領衣束以布帶出入佩刀劍婦挽
髻插簪寬衣長裙朱履能織絹布

馬辰國夷人



馬辰國夷婦



馬辰國即文郎馬神在東南海中相傳漢馬援
南征士卒之裔其地多水惟夷目得陸居夷人
則架筏水上覆以板屋俗尚釋教而性強悍男
女無敢私合以採藤拾椒為業男剪髮勒以紅
帛腰圍花罽出入必佩刀劍常負竹筐以盛椒
女袒身跣足繫布裙過膝間披幅帛於胸背汲
水則戴瓦瓶於首

汶萊國夷人



汶萊國夷婦



汶萊國即唐時婆羅國東洋盡處西洋所自起
也明永樂間常入貢相傳夷目係閩人隨鄭和
往因據其地負山面海崇釋教惡殺喜施禁食
豕犯者至死以伐木採藤為業男剪髮裹絳帛
去鬚留髯與蘇祿相似女散髮垂肩結巾於項
著衣裙而跣足

柔佛國夷人



柔佛國夷婦



柔佛國在西南海中其地有東西竺山覆茅為
屋列木為城地不產穀常易於隣壤尚釋教持
齋累月見星方食以刀刺茭葦葉為文字婚姻
亦論門閥男剪髮跣足帽如覆椀銅絲為胎幕以
白布衣袴俱短圍花巾於腰身不離刀婦垂髻
跣足短衣長裙披錦繒於肩與蘇祿相似善織

席

荷蘭國夷人



荷蘭國夷婦



荷蘭又名紅毛番地近佛郎機明萬厯間常駕大艦泊香山澳求貢市不果已而入閩據澎湖侵臺灣地

國朝順治十年始由粵通貢康熙初助大兵征臺有功嗣後貢市不絕其貢道改由福建夷人黑犴為帽遇人則免冠挾之以為禮著錦繡絨衣握鞭佩劍夷婦青帕蒙頭領圍珠石肩披中綬敞衣露胸繫長裙以朱革為履其地有喇吧

為南洋之會又析其名曰喘曰英吉利

俄羅斯夷官



俄羅斯官婦



俄羅斯地在極北漢時之堅昆丁令唐時之黠
戛斯骨利幹元時之阿羅思吉利吉斯等部皆
其地也有明三百年未通中國


本朝康熙十五年入貢二十八年遣內大臣索額
圖等與其使臣費耀多囉等定以格爾必齊河
為界自後朝貢貿易每間歲一至其夷官披髮
戴三角黑氊帽穿窄袖短衣履革靴出必佩劍
官婦則戴紅頂三角帽繫五色長褊裙披織錦

無袖短衣或以貂皮為裏俗以去髮為姣好以
免冠為恭敬

俄羅斯夷人



俄羅斯夷婦



俄羅斯地有八道稱為斯科每一斯科又各分
小斯科俱設官管轄其民聚處城堡居止有廬
舍水陸有舟車服羶屬喜飲酒屑麥為餅不飯
食性矜夸貪得尚浮屠自國王至庶民有四季
大齋數十日

宋 牖勝國夷人



宋牯勝國夷婦



宋牯勝乃暹羅屬國其人多以耕漁為業性情
褊急其齊僧飼象與暹羅相類男蓄髮去其髯
首插雉尾腰束足帛短衣而窄袴無履襪常佩
刀劍女椎髻跣足短衣長裙披帛於肩頗能知
紡績

東埔寨國夷人



東埔寨國夷婦

卷一



東埔寨即真臘國介安南暹羅間隋唐及宋皆
朝貢明初亦嘗至初稱甘亭智萬歷中改今名
人情柔弱善飼象其演之為陣用以禦敵常帶
劍入山取犀角獻於夷目男剪髮裹頭身衣僅
蔽下體女挽髻露肘臂惟蔽其乳圍裙跣足能
採桑飼蠶亦能織席

呂宋國夷人



呂宋國夷婦



呂宋居南海中去閩之漳州甚近明初朝貢萬
厯中為佛郎機所并而仍其國名佛郎機在占
城西南先是滅滿剌加又與紅毛中分美洛居
至是破呂宋益富強多僑居香山澳門貿易夷
人居呂宋者長身高鼻猫睛鷹嘴服飾與大小
西洋略同婦盤髻施簪珥方領露胸短衣長裙
裙裏襯藤圈二三層常執帕以蓋髻

咖喇吧國夷人



金瓶梅詞話卷一
咖喇吧國夷婦

卷一



咖喇吧本瓜哇故地為荷蘭魚併華人之貿易
者多流聚於此性工巧饒謀慮室宇壯麗器具
精緻夷人花帛纏頭短衣束腰繞布幅為裙跣
足手持木棒有爵者鐫字於上以為別夷婦垂
髻施簪珥以花布纏上體短衣長裙露胸跣足
善裁製縫紉性嗜啖果

麻六甲國夷人



麻六甲國夷婦

卷一



麻六甲即滿刺加在占城南明初服屬暹羅永
樂中其首遣使入貢封為國王並勒碑文於其
國之鎮山後為佛郎機所侵奪嘉靖時勅還其
地迄無應者今則為荷蘭所屬其性情機巧器
用精緻亞於喇喇吧男以色布纏頭長衣短袴
露脰曳履女椎髻跣足垂珠於項短衣長裙頗
工縫紉

蘇喇國夷人



蘇喇國夷婦

卷一



蘇喇國即回回國在西南或云本蘇門答刺為
漢條支唐波斯大食二國地天時溫暖無麥有
禾一歲二稔多產寶石香藥俗頗淳厚性亦柔
善男白布纏頭蓄鬚髮著素衣肩披花帛束腰
佩劍婦披髮不笄頷下胸前多飾金珠家居常
喜現體跣足出行仍以大布蒙首至踵

亞利晚國夷人




亞利晚國夷婦



亞利晚國在西洋與回國相近天氣溫和風俗淳厚夷人戴八角帽著長衣采色相間文如柳條窄袖束腰躡革履夷婦披髮不笄以青帕蒙首及背領飾金銀著長衣常持盃器善事女

工



皇清職貢圖卷一